

---

**LAWATAN RASMI YB DATO' SAIFUDDIN ABDULLAH MENTERI LUAR NEGERI MALAYSIA KE JAKARTA...**

Print

**LAWATAN RASMI YB DATO' SAIFUDDIN ABDULLAH MENTERI LUAR NEGERI MALAYSIA KE JAKARTA,  
REPUBLIK INDONESIA 17 – 20 OKTOBER 2021**

YB Dato' Saifuddin Abdullah, Menteri Luar Negeri Malaysia akan mengadakan Lawatan Rasmi ke Jakarta, Republik Indonesia dari 17 hingga 20 Oktober 2021, lawatan yang pertama sejak pelantikan semula beliau pada 30 Ogos 2021. YB Menteri Luar Negeri akan diiringi pegawai-pegawai dari Wisma Putra.

YB Menteri akan mengadakan kunjungan hormat ke atas TYT Joko Widodo, Presiden Indonesia dan bertemu dengan rakan sejawat, PYT Retno L.P. Marsudi, Menteri Luar Negeri Republik Indonesia.

YB Menteri turut dijadualkan mengadakan pertemuan bersama TYT Dato' Paduka Lim Jock Hoi, Setiausaha Agung ASEAN dan akan mengadakan perbincangan dengan Jawatankuasa Perwakilan Tetap ASEAN. Program-program lawatan yang lain termasuk sesi forum interaktif bersama Universitas Paramadina dan Foreign Policy Community of Indonesia (FPCI), perjumpaan dengan Kamar Dagang Indonesia (KADIN) dan pertemuan dengan pelajar dan diaspora Malaysia di Jakarta.

Lawatan Rasmi ini mencerminkan hubungan akrab dan komprehensif antara Malaysia dan Indonesia sebagai negara jiran terdekat. Ia juga akan memberi peluang bagi kedua-dua pihak untuk menerokai kerjasama baharu dalam fasa pemulihan pasca pandemik serta membincangkan usaha-usaha bagi menangani cabaran serantau dan antarabangsa.

Lawatan ini dirancang dan dilaksanakan selaras dengan tatacara-tatacara dan Prosedur Operasi Standard (SOP) pencegahan COVID-19 seperti ditetapkan oleh pihak berkuasa kedua-dua negara.

**PUTRAJAYA****17 OKTOBER 2021**